

# ЛҮИМА СЭРИПОС

8 декабря  
2016 года  
№23  
(1137)

Общественно-  
политическая газета  
Ханты-Мансийского  
автономного  
округа-Югры

www.khanty-yasang.ru

E-mail: gazeta@khanty-yasang.ru

Основана 11 февраля 1989 года

## Ас-угорский институт 25 тӓлэ тӓвлыс



С. Ромбандеева вӓрүмхүри

Ты урыл 10-11 лӓпсыт ловиньтӓн

Ты  
номерт  
ЛОВИНЬТӓН:

Ляххал хаснэ  
нӓпакыт лап-  
пантавет

3

Мӓньци  
нӓтӓв Москват  
рӓпиты

7

Ас-угорский  
институт 25 тӓлэ  
тӓвлыс

10-11

Тӓл сыс  
мӓ-вит хумус  
ӓргалавес

14-15

Мӓньцит  
урыл пӓслым  
кина

16

## ЛЯХХАЛЫТ

## Ханищтан хөтпәт рупатаныл моц күпнитыг паты

**В**әт сәграпнал әтпос օвылтахтама порат губернаторув Наталья Комарова вәңын хөтпанә сапрәнин акван-атыгласанә. Та порат яныг күщай нә Москва үст օлыс ос мәхманә әт кина суссылтан тәтап хосыт потыртас.

Өвләт нәврамыт ханищтан хөтпәт рупатаныл урыл потыр օлыс. Ань ты мәхум сәвсыр отчәт-нәпакыт хансуңкве акваг ләвавет, ты рупата вәрим нәврамыт мұсхалыг ханищтаңкве тан ат алымәгыт. Ты урыл Наталья Комарова ләвыс: «Ань тәва ханищтан хөтпәт акв тәлсыс 18 сәвсыр отчәт-нәпак хансәгыт. Тувыл ты нәпакыт манрыг тән хансуңкве ләвавет, щар нәмхотьют ат вәг». Ты сапрәнин Ханты-Мансийск үст №3 школат рупитан нә Наталья Чернышева

вөвиньтәлвес ос ты рупата урыл китыглавес. Нә ләвыс, ань нәврамыт ханищтан хөтпәт туп ищхипың утыт хосыт сәвсыр нәпакыт хансәгыт. Тот хансым отчәт-нәпакыт тәра сәвсыр мән кәтуңкве вәрмәгыт, акв ты рупата сәв щәс вәруңкве воссыг ат әри.

2017 тәлт туи порат нәврамыт хумус үщлахтуңкве патәгыт, күщайт та урыл օс потыртасыт. Наталья Комарова ләвыс: «Үщлахтын порамус иң хоса, тувыл ты рупата вәруңкве ань օвылтахтән. Туи нәвраманув әмщакв вос

үщлахтәгыт».

Тувыл күщайт пәс йис мәнылт օлнә соссаң мәхум урыл потыртасыт. Ань Нижневартовский, Сургутский, Нефтеюганский, Ханты-Мансийский районитныл ос Радужный үсныл мә-вөй нөх-винә мәгсыл нәйпос кәрквалгыт хартуңкве патавет ос мөт әрнә утыт үнттавет. Ты вәрмәль урыл колыт үнттын департаментыт рупитан хум Рустам Сафин ләвыс: «Ань мә-вөй нөх-винә мәхум 13 объект үнттуңкве патәгыт. Хүрум тамле утыт тән пәс йис мәнылт օлнә соссаң щәмьят пәлт үнттыяныл».

Губернаторув ос ювле китыглахтас, сөль ман әти, та мәт օлнә щәмьят мә-вөй нөх-винә

мәхум тәнки пәлтаныл тәртуңкве кәсәшәсыт. Ос манхурип номт тән ты вәрмәль урыл օныщәгыт, китыглавәсыт. Рустам Сафин ләвме щирыл, пәс йис мәт օлнә хөтпәт әт тән потыртахтасыт, ты мәхум օлныл օйтуңкве патавет.

Күщайт օс акв нәпак пирмайтасыт. Ты нәпак хосыт 2017 тәлт округт օлнә мир нәйпос, вит, рөг мәгсыл օйтнә օлнаныл нөх-нәтавет. Мөтыт тәлныл օйттур әтпос օвыл хөталныл мән 4% сәвнув օлн тув օйтуңкве тах патәв.

Белоярский районт «Нумто» нампа ұргалан мә օлы, ань тув күщайг Людмила Александровна Матвеева рупитаңкве паттувес. Сапрәни օлум порат күщайт ты кастыл распоряжение-нәпак пирмайтасыт.

Людмила ТЕТКИНА

## Нәлок-олн ань кос хоты мәт օйтуңкв вәрмәв

**О**круг янытыл нәлок-олн ловиньтан колт күщай нә Ольга Литова, округт государственный օлтулыг ман колыт акван-хаснә департамент пәлт пунктотнә хум Анатолий Уткин ос «МФЦ Югры» колт күщайг օлнә хум Александр Сучков РИЦ «Югра» колн әхталасыт. Потраныл ань нәлок-олн урыл օлыс.

Ты тәл пәсныл Россия янытыл нәлок-олн օйтнә юи-օвыл хөталә йильпииг хасвес – вәт сәграпнал әтпос 1 хөталә. օлнә кол, мә лөмт, мәшина ос мөт әрнә матыр әлумхәлас օныщитә, нәлок-олнанә ты хөтал мус вос օйттыянә. Күщай нә тох ләвыс: «Россия янытыл нәлок-олн օйтнә мәгыс ань акв хөтал вәрвес. Ты тәла пәлт мәхум сака сәв рупитасыт, акван-потыртахтасыт. Сөль, ты сака әмас вәрмәль, ань хөтпа кос хоты мәт օлы, нәлок-олнә օйтуңкве

вәрмитә. Әрнә нәпакыт кәсың үст ман пәвылт налоговый служба колт виңкве вәрмегын, тот тармыл օйтхатән. Әлумхәлас әрың мөт үсыт ман пәвылт օлнә кол әвтыс, нәлок-олнә օйтнә мәгыс тув минуңкве ат әри, օлнә мәтәт вос օйтхаты. Тох тай сака күстыр».

Кол ман мә օщнә мәгыс нәлок-олн 2015 тәлт округ бюджет 5,5% сәвитан сәвмыс. Мәшина мәгыс ос 2% сәвит пәрыс тотыс. Округувт ань 1,5 млрд. арыгтем солкөви Федеральный налоговый службан օй-

туңкве әри, мәхум ань тәсәвит нәлок-әрнта та օщнәныл. Ольга Литова ләвме щирыл, ты әти сака яныг әрнта, әлнаң мәхманув тыгыл сәв օлн օйтуңкве ат вәрмысыт. Ань округувт налоговый служба мәхум сака кәркамыщ рупитәгыт, халанылт нәтхатәгыт. Тән ань мир әт акваг потыртәгыт, хотьют матыр ат те торгамты, хүлтыяныл, нәтыяныл.

А. Уткин ләвыс, ань 2017 тәл пәсныл օлнә колыт ос кол үнттын мә тынаныл мөт щирыл ловиньтаңкве патавет. Әлнаң акв сәккон щирыл колыт үнттувәсыт, аквсәвит тыныл пинвәсыт, тох та тыналавәсыт. Йильпи тәлт ты тәла хумус вәруңкве мәхум атавет, ханищтавет

– օлнә колыт хумус ты-налаңкве, тынаныл мансәвит солкөви паты, тән тах та ләвәгыт.

Нәлок-олн ань Многофункциональный центртыт тәра օйтуңкве рөви. А. Сучков ләвыс: «Мән округт օлнә мәхманувн ос сәвсыр организациятын нәтәв. Центрыт хоталь-әти әрнә нәпакыт, сыресыр справкат та маныр мән пуссын хансәв, хөт-әти вәрылтыянув. Әрнә нәпакыт акван-атым хөтпан нәмхөт хайтуңкве ат әри, күщайт пәлт әмуңкве ат әри, мән пуссын манти вәрәв, нәпакыт кәтын-паттыянув. Хөтпа роттыг օлы, сымә ат щәрги, центрын әхты, туп тәс нәпаканә выг, юв тах та әманты».

Светлана МАТВЕЕВА

## ЛЯХХАЛЫТ

## Ляххал хаснэ нэпакыт лап-пантавет

**Россия яныгыл матах тал ОНФ рүпیتی, руц латңыл ты кол тох лававе – Общероссийский народный фронт. Ты йильпи рупата вэрнэ кол Россия Президентув Владимир Путин 2011 тал яңк нэтнэ этпос 6 хөталэт вэрүңкве лавыс.**

Та пәсныл кәсың регионт акв тамле намыл пиным кол рүпیتی. Мән округувт Ханты-Мансийск үст тән ос вәвет. Мәк яныг күщаиг Снисаренко Виктор Анатольевич тот олы, тавән нила хөтпа нётэгыт – Белкин Роман Михайлович, Белоцерковцева Лариса Дмитриевна, Дубовец Сергей Николаевич ос Терновой Константин Владимирович.

Тән кәсыңөмт матыр янас вәрмалъ щирыл атхатыглэгыт.

Ювле хульгум этпост тән журналист мэхум эт яныг сапрани вәрыгласыт. К. Терновой пуңкотнэ хөтпаг тот олыс. Ань ты тал сыс округувт хұрум редакция-кол лап-пантвэсыт: ты «Юг-

ра» ос «Старт» нампa журналыг, ос «Югра-Информ» интернет-газета. Сәв хөтпа рупата тал хультсыт. Ос мәк тәрвitysн вәрмалиг ты нак олыс, тот намыңсуиң журналист-хөтпат рупитасыт, тән округувт ёмашакв вәвет.

Тән сапрәни вәруңкв ты лавсыт. Александр Григоренко «Югра» нампa журналт күщаиг рупитас. Тав ань лавыс, ляххал хаснэ мэхум ань сака уральтавет, күщаит урыл матыр ат рөвнэ латың потранылт те хассыт, ты потыр ат печатайтаве. Ляльт лавнэ хөтпат пуссын рупатаныл пөхан тетавет.

Округ күщай вәңын хөтпаг оlnэ хум Алексей Шипилов ювле лавыс,



А. Григоренко, К. Терновой ос А. Шипилов

ань ты йист мөт щирыл рупитаңкв эри. Ты элыпалт кәсың журнал ос газета округ бюджетныл олныл майлувес. Ань ос өвлэт проектыг лавнэ тәла вәруңкв эри, тувыл ущ олныл мивет ос элаль рупитаңкв тах вөрмөгыт.

Ань тох өмтыс, хөтпа газета ман интернетыт ляххалыт хансуңкв те таңхи, тав акв тамле рупата вэрнэ мэхум эт касылыл вәрыглаве.

Тот сунсаве, тән халанылт мәк ёмашакв хотыютаныл рупитаңкв вөрми, тав нөх та паты.

Тувыл олныл та миве.

Ты сапрәнит күщаит лавсыт, пәс щирыл воссыг нәмхотыют ат рүпیتی. «Новости Югры» газета, мән «Лүймә сәрипос» ос «Ханты ясанг» газетагув госказ щирыл рупитэв. Күщаитн ань акваг та хултавөв, тал сыс маныр потрыт ос мансәвит лөпс мәнәвн хансуңкв эри. Тыгыл арыг рупата вәруңкв ат рөви.

**Валентина  
ВАСИЛЬЕВА**

## Каснэ колыт үнттавет

**Яныг таквс этпост округувт касыл щирыл рупитан департаментыт күщаиг оlnэ хум Игорь Губкин ляххал тотнэ хөтпат эт хөнтхатыглас. Ты тал мән мавт манасәвит каснэ кол үнттаве ос элаль манырсыр колыт үнттуңкве патавет, тав ты урыл потыртас. Нән ты урыл элаль ловиньтән.**

Күщай хум лавыс, ты тал кит каснэ колыг Мегион ос Лангепас үсыг үнттувэсыг. Ты тўя пәсныл касылыт ань тот щөпитәлавет. Округувт касыл элаль тотнэ мәгыс 2016-2020 талытн программа пирмайтым олы. Ты тәла щирыл ань сәв кол үнттаве.

Нефтеюганск үст яңк тармыл конькил тахсын кол, Октябрьский район

Приобьепавилт, Югорск үст, Сургут үст яныг каснэ колыт, Ханты-Мансийск үст сәвсыр касылыт вәрыглан кол, Нижневартовский районт Излучинск павылт хоккеил ёнғын кол үнттаве. Төва колыт ты тал әстлавет, төват ос мөтыт тал өвылтахтын порат үнттавет тах. Мөтыт тал Мегион үст няврамыт мәгыс ос акв



И. Губкин

каснэ кол үнттуңкве өвылтаве.

Игорь Васильевич лавыс, мән мавт мэхум акваг халанылт касэгыт. Ань ты накт Югра мят онтырсат кит вәрмалъ

щирыл сәвсыр касыл элаль тотаве. Китсат хөтпан сәвиткем элумхөлас Россия яныгыл ос мөт хөн мят мән мавт мәгсыл касым яласэгыт.

Мән округувт вәтихал сәвсыр касылыт щөпитәлавет. Моц молалнув үсувт хоккеил ёнғысыт. Китхуйплов команда халанылт кассыт. Пуссын акваёт нөлсат хөтпа олыс. Тән халанылт хұрум команда мөт хөн мәнәвн ёнгуңкве тыг ёхталасыт.

**Николай  
МЕРОВ**

## КҮЩАИТ РҮПАТАНЫЛ

## Күщай хум рүпатаныл урыл потыртас

**Ю**вле хульгум этпос лов щислат полицият рүпитан махум янытлан хотал олыс. Ты кастыл округ полицият рүпитан яныг күщай Василий Романица ляххал тотнэ махум эт хонтхатыглас ос рүпатаныл урыл потыртас.

Өвлэт тав няврамыт урыл латың лавыс. Округув янытыл оlnэ няврамыт ул вос тұлмантэгыт, хохса ул вос хартэгыт, вина ул вос аегыт ос мот люль пищ ул вос оныщэгыт, ань яныг рүпата варае.

Полицият рүпитан хотпат савсыр люль накыт нупыл суснэ няврамыт эт акваг рүпитэгыт, потыртэгыт. Агит-пыгыт акваг щес люль ке вәрсыт, тән

пилатәлнэ магсыл каснаколн тотыглавет ос хумус махум тот оныщавет, суссылтавет. Тув ялнэныл юи-пәлт няврамыт номсахтэгыт, товат мори қапыртан маныл хот-пөйтэгыт.

Василий Романица лавыс: «2011 тәл сьс агит-пыгыт акваг сөтыра 200 люль тәла вәрсыт. Ты тәл онтолов этпос сьс 346 люль вәрмал вәруңкве алымасыт. Мән няврамыт эт ос

тән щәняныл-әщаныл эт акваг рүпитэв, тыи магсыл мощчанув агит-пыгыт люль накыт нупыл сунсуңкве патсыт».

Округувт махум манхурип овыл вәрыглэгыт, та урыл ос латың лавыс. Кәсың тәлныл вина айнэ хотпа савнувет емты. Кучим тән мори қапыртэгыт, тәнки халанылт алхатэгыт, мот хотпа порслэгыт. Винэ айнэ хотпат ос тән щемьяныл эт полиция акваг кос рүпитэгыт, тувыл товат латың щар ат хүнтлэгыт, ат торгамтэгыт. Кәсың тәлныл савнув хотпат аим машинал яласаңкве

воратэгыт. Ань сәккон щирыл тох қапыртан хотпат яныг штрафолныл пинавет. Тувыл тән ты олн ат ойтэгыт ос акващирыл машинал мори яласэгыт. Ань ос атхуйплов хоталн каснаколн үнттавет, юв хунь тәртавет, элаль тох вәрэгыт. Кәсың тәлныл савнув махум аим машинал тәлматэгыт ос сакватахтэгыт, тыпаттат сав элумхәлас атимыг емтэгыт. Василий Романица лавыс, машинал яласан аюм хотпат щар нэматарыл ат пилэгыт.

**Людмила  
ТЕТКИНА**

## Тұлмахыл олн нәмхуньт ул вос выгыт

Округ мирколт Ирина Астапенко гражданский служба департамент күщай нэ ляххал тотнэ хотпат эт вәщиньтахтас. Ос нэ тәнанылн коррупция урыл потыртас. Коррупция – тыи хунь күщайт хотпаныл тәнки магсыланыл олн манос тының мүйлупса сытамыг вөвэгыт. Ань ты йист төва яныг күщайт матыр нәтмил вәрнэныл магыс мот хотпаныл олн, тының мүйлупса тұлмахыл вөвэгыт.

Округувт тамле вәрмалит тәра-паттын магыс янас комиссия рүпиты. Тот савсыр мат рүпитан хотпат акваг-атыглавет, тувыл пуссын тәлат губернатор нэ Наталья Комарован уральтавет. Күщайг рүпитаңкве патхатам хотпат коррупция тәлат овылтыт тәра лававет, тән вос вәгыт ос нэматыр люль ул

вос вәрэгыт.

Ирина Анатольевна лавме щирыл, округ янытыл тамле вәрмал сав ат емталы. Мәлал хурум сөтыра махум анкета щирыл китыглавэсыт, ос таи тәра-патыс: 87% хотпат нәмхотьютн олн ат ойтыгласыт ос тәрвитаныл пөхан паттуңкве күщайтн нас нәтвэсыт. Мот 8% хотпат олн ойтүңкве манос мүйлупса миңкве лавыглымат.

Күщай такви рүпататәныл пөхан мины ке манос мот мән олуңкве вәнтлы ке, тав кит тәл иң уральтаве. Люль нак хонттаве ке, тәра полициян элаль уральтаңкве паттаве. Округув тамле накыт мөрсыңыг олыглэгыт, аман латың хүнтлэгыт, аман пилэгыт.

**Тамара  
МЕРОВА**

## Россия Президентув мирн латың кәтыс

Ляххал тотнэ хотпат Ирина Максимова, Общественный палатат күщайг олнэ нэ, эт хонтхатыгласыт. Тав Москва үсн ялыс, тот Владимир Путин РФ Президентув мир магыс латың ловиньтам колт олыс.

Ирина Ивановна лавыс: «Россия Президентув Владимир Путин Кремльт хүнтлуңкве, вәим, хөйхатнэг ос емасыг олыс. Тот кәсың хотпа такви вәрнэ тәланэ Президентув латың лавнэтэ юи-пәлт тәра тув әрталыанэ ос тәнаныл элаль тотнэ щирыл номсахты.

Махум тәнки номтаныл тәлаг вәрнэ ос мот махумн нәтнэ урыл потыртаме порат анумен сака мұстысыт. Ты «добровольческий движенияг» лававе. Округувт тамле вәрмалит ос олэгыт, мәнки ос сав рүпитэв. Концепция-нәпак оныщэв, ос савсыр

тәлат некоммерческий объединение-колыт кастыл элаль тотыянүв.

Манава таи емас хүнтлуңкве олыс, ань яныг күщайов мирн маныр лавыс, мән округув тамле рүпатат хосат тәгыл вәриянэ. Тувыл няврамыт ханищтан овылтыт потыртас. Тав лавыс, кәсың няврамакве такви щирыл номтың. Тав сымән әрнэ ос ханьщувлым накән элаль вос ханищтаве. Манава номтың ос тәксар мәнлат хотпат янмалтаңкве әри. Тувыл акваг-потыртахтым, акваг-нәтхатым тәлат вәруңкве әрэгыт.

Мән округувт олнэ махум тыщирыл ты рүпитэгыт ос акваг-юрщхатым олэгыт».

**Тамара  
САКВЪЯНЫЛ**

## КҮЩАИТ РҮПАТАНЫЛ

# Мā-витув ёмащакв вос ўргалаве

**Россия т мā-вит ўргалан Министр Сергей Донской та этпос 15 хōталēt Москва ўсныл мāн округувн ёхталас, тав Общественный палатат рўпитан хōтпат ёт вāщиньтахтас. Ты хōнтхатыглап «Час с министром» намаим олыс.**

Ты элы-пāлт мāхум ты яныг кўщайтн мā-вит ўргалан вāрмаль урыл китыглахтан лāтың кётыгласыт. Сапрāни олум порат Министр хум Россия янытыл оlnэ мир ёт кина суссылтан тōтап хосыт потыртас.

Общественный палатат рўпитан хум Сергей Чернин акв вāрмаль урыл китыглахтас. Тав лāвыс, ань Норильск, Магнитогорск, Новокузнецк ос мōт яныг ўсытыт мā-вит пāнқтың сāvсыр предприятият рўпитэгыт. Тāн сāvсыр ищхипың утыл вāруңкве хосат тāгыл

лāввёсыт. Ты утыл хунь вāравет, Министерстват, Роспотребнадзорт ос Общественный палатат рўпитан кўщайт кина суснэ тōтап хосыт рўпатаныл уральтаңкве акваг патыяныл. Сергей Чернин китыглахтас, мā-вит пāнқтың предприятия тамле эрнэ утыл хунь вāравет.

Сергей Донской ювле лāвыс: «Ань Россия янытыл 300 предприятия сака сāv люль вāрёгыт. Щар овлёт тāн уральтанищхипыңутыл вāрианўв. Ты утыт вāрнэ мāгсыл олныл тах тāстыянўв. Ты рўпата мāн 2019 тāлт тах вāруңкве

овылтахтэв».

Министр хум акв тārвитуың вāрмаль урыл элалы потыртас, тав лāвыс, мā-вит пāнқтың организацият яныг штраф-олныл акваг хансыглавет. Тувыл тāн олн ойтэгыт кос ос элалы лāль та вāрёгыт. Тāн ётаныл хумус рўпитаңкв, тāн ань аты вāганыл.

Челябинский областьныл оlnэ хōтпат вāрмаляныл урыл яныг кўщай палт хассыт. Та областыт яныг тўр вāтат Томинский горно-обогатительный комбинат ўнттуңкве овылтавет. Тот оlnэ мāхум номтаныл щар ат патыс. Тамле яныг кол-кāпай хунь ўнттаве, тот оlnэ сыстам тўр пāнктаве ос мātэ пулиг-хилаве. Ты урыл Сергей Донской

маныр номт оньщи, ос китыглавет. Тав ты тārвитуың вāрмаль тāра-паттуңкве лāвхатас.

Якутият оlnэ мāхум та урыл яныг кўщайн потыртасыт. Ань мори яласан сāv хōтпат мāхар лувит тот кинсэгыт. Министр хум ювле лāвыс, пирмайтым сākкон щирыл Якутият рўпитан кўщайт лицензиянэпак тāнки мыгыт. Ань мā-вит ўргалан хōтпат ос полиция-мāхум аквёет вос рўпитэгыт, ты лāль вāрнэ мāхум пуссын пувуңкве эрёгыт.

Яныг кўщай ос мōт сāvсыр тэлат урыл китыглавет. Мāн округувныл мāхум сāv китыглахтын лāтың ощсыт.

**Людмила  
АЛГАДЬЕВА**

# Борис Ельцин наме элалы суйты

**Борис Ельцин намыл пиным Президентский центр овыл щёс 2009 тāлт яңк нātнэ этпос 27 щислат Санкт-Петербург ўст рўпитаңкве патыс. Ётыл тамле мāнь центрыт мōт ўсытыт вāруңкве патвёсыт.**

Ань Ханты-Мансийск ўст нэпак ловиньтан колт акв тамле кол пўсвес. Тув Наталья Комарова губернаторув ос яныг центрыт оlnэ кўщайт Санкт-Петербург ўсныл ёхталасыт. Ты тэла вāрнэ овылтыт тāн 2013 тāлт потыртасыт ос тōнт акванётхатнэ мāгыс нэпак хасмыт.

Мўй хōтпатн Наталья Владимировна лāвыс: «Мāн ань ты президентский фондыт акванатым нэпакыт, пōслым кинат, ёл-хансым потрыт, сāvсыр хурит оньщуңкве патэв. Югравт мāнки ощнэ утанув ос та фондын мыганўв. Ты 2016 тāлув округувт няврам янытлан тāлыг лāвыслўв. Мāн ань тамле мўйлупсал вāрианўв, акванатнэ утанув пуссын тāнанылн хультуптыянўв».

Павел Терещенко, ты Прези-

дентский центрыт кўщай вāңын хумыг олы, тав ты ёт ос кāсащас. Ань тыг мус тāн центраныл ёт нёлолов миллион хōтпат ищхипың ут хосыт рўпитэгыт. Тот 500 сōтыра документыт ос 136 сōтыра нэпакыт ищхипың ут хосыт сунсыглаңкве ос ловиньтаңкве вёрмавет.

Ань нэпаканув тув ке хансавет, тāн пуссын ты мāхумн ос кāсалавет. Нэпак ловиньтан колт рўпитан хōтпат 200 арыгкем документыт тув щёпитасаныл ос 50 сōтыра нэпак-лōпсыт ищхипың утытн пōслысыт.

Тувыл мўй хōтпат мōт колнакн вōввёсыт. Тāн тот Наталья Кириллова ёт вāйхатасыт. Ты эква «Уральское кино: время, судьбы, фильмы» нэпаке урыл потыртас. Наталья Борисовна культурологият доктор нам



Павел Терещенко, Наталья Комарова ос Надежда Казначеева

ошьщи, тав Б.Н. Ельцин нампа Уральский федеральный университет профессорыг олы ос кина овылтыт матыр-āti пуссын вāг. Россия янытыл ты тāл кина намыл пиным олыс. Ань эква такви рўпататэ урыл потыртас ос мўй хōтпат нэпакыл мўйлуптасанэ.

**Тамара МЕРОВА**

## КҮЩАИТ РҮПАТАНЫЛ

## «Витсам» маныщи нэпакув нөх-патыс

**Я**ныг таквс этпос 24 хөталт Москва үст «СМИротворец» намба касылт нөх-патум ляххал тотнэ хөтпат янытлавёсыт. Ты касыл савсыр мирыт тәнки халанылт акван-нётхатнэныл ос акван-юрцхатнэныл магыс щёпитым олы. Ляххал тотнэ хөтпат ты овылтыт потрыт хансэгыт, кинат послэгыт ос ратива хосыт потыртэгыт. Тувыл ты утанылт касэгыт. Тән рупатаныл Россият мирыт эт вайхатым ос тән тэланыл магыс пуңкотнэ хөтпатн лов номинация щирыл сунсавет. Тән тәнкинаныл руц щирыл «Гильдия межэтнической журналистики» намтсаныл. Тав 2008 тал пасыл рупататэ овылтастэ, тот Маргарита Арвитовна Лянге күщайлахты.

Ты касылт нөх-патум хөтпат Москва үсн вөвиньтальвёсыт ос тот мүйлупсал майвёсыт. Мүй махум савсыр мирыт эт хөнтхатыгласыт ос халанылт ханищтахтасыт. Овыл хөталт тән Государственный Думан савсыр мирыт эт рупитан хөтпат эт вайхатуңкве тотыглавёсыт. Ань Россияв янытыл 193 савсыр мирыт олэгыт, тән 239 сыресыр латңыл ман диалектыл потыртэгыт ос махум хөт-ати 89 латңытыл потыртаңкве ханищтавет.

Мотыт хурум хөталыт сыс мүй хөтпат МГУ журналистика ханищтан колытыт тәнки рупатаныл пүмшиг вэрнэныл



«СМИротворец-2016» касылт нөх-патум махум

махыс мўтраң тэлатн ханищтавёсыт. Ты коньпал савсыр мирыт эт рупитан, тән тэланыл палт нётмил вэрнэ күщайт эт вайхатасыт ос махум олупсаныл тара-паттысыт. Тувыл ФАДН ос ТАСС колыгн тотыглавёсыт. Тамле хөнтхатыглапыт ос ханищтапыт ляххал тотнэ хөтпатн пуссын эрэгыт. Ань касың мүй хөтпа такви палтэ олнэ вэрмалит тув арталыанэ ос тэлат эмасыг эмтнэныл магыс латың тоты.

2016 талт «СМИротворец» намба касылт ляххал тотнэ 759 колытыл тәнки рупатаныл кётсаныл. Комиссия лов номинацият щирыл 7 сөтыра каснэ утыт суссыт. Ос 36 хөтпат мүйлупсал майвёсыт. Ань федеральный ос региональный ляххал тотнэ колыт нөх-патнэ магыс янас пёриявёсыт. Тувыл тән пуссын ванэ ос янытлан магыс шорт-нэпакн хансавет. Мот савсыр колыт халт мән «Луимэ сэрипос» маныщи газетав ос «Витсам» намба журналув ос тув хансым олэг. Аквтох 17 савсыр газетат, ищхыпың ут хосыт ляххал тотнэ 16 колыт, 11 телевидение ос 8 радиостанцият наманыл тот хултым олэгыт. Ты тал акв йильпи «Актуальная проблема» намба номинация вэрвес, тот 16 савсыр маныл кётым рупатат сусвёсыт.

Молты талт 940 савсыр маныл рупатат кётым олсыт, ты тал мощ мощчануве. Това мат ляххал тотнэ колыт, тувыл това республикат щань латңыл потыртан теле ос

ратива колыт лап-панвёсыт. Щань латңыл хансым потрыт манос передачат Ямал ос Югра маныл савнув кётвёсыт. Тот тахольт газетат, ративат иң рупитэгыт.

Ань «Смиротворец-2016» касылт «Пресса» намба номинацият хурмит местат Ямал маныл «Нярьяна Нгэрм» намба газета олыс. Тув Салехард үсныл Хабэча Яунгад эхталас, тав «Миротворец» потре магыс мүйлуптавес. Югравныл «Телевидение» номинацият ТРК «Север» Сургут үст рупитан нэ Оксана Рагуцкая (Ярославцева) нөх-патыс. Тав овыл места – «Мелодия для ханты», «Мама, я нерусского люблю», «Отцы и дети» пөслум кинат магыс яныг мүйлупсал майвес. Тувыл «Детские и молодежные СМИ» номинацият хурмит места – ГТРК «Карелия» Петрозаводск үсныл кётым «Чудесная земля Вепсов» мультфильм ос маныщи нэпак «Витсам» халэнт уртыстэн. Ты нэпак Светлана Динисламован вэрэве.

Ос китыт места – «Югра» телеканалн майвес. Тәнанылн «Югорика. Манси. Вода – источник жизни» кина сака мўстыс. Таве Ирина Чукомина щёпитастэ. Мот нөх-патум махум овылтыт нән мән газета ищхыпың утэт руц потрыт ловиньтаңкве вэрмегын тах.



Варвара Сянова ос Анатолий Вассерман

## КҮЩАИТ РҮПАТАНЫЛ

# Мāньщи нэтѳв Москват рупиты

**Государственный Думат рупитан депутатыт ань касын этпос оигпан ляпат танти мāнанылн ѳхталэгыт ос махум олнэ тэланыл тара-паттэгыт. Татьяна Степановна Гоголева яныг таквс этпост ѳс Ханты-Мансийск үсн ѳхталас, «Единый Россия» партия колт акв хотал махум пирмайтас.**

Тав палтэ ѳхталам махум савсыр тэланыл мус ѳхталасыт. Яныг-палаг ѳмтум ѳква тамле потре ѳлыс, тән шѳмьял үс котилыт титнакпа лјюлит колт ѳлэгыт, коланыл пѳсыг ѳмтыс, таве хот-лѳсталаңкве номсаве. Ос ты квартираныл пѳнтсыл я вāта нупыл Самарово мāt мивет.

Тав ѳйкатэ ань сака āгмың, рак-āгмыл ѳмтум. Тувыл Самарованыл пўльницан ялантаңкве хоса, таимāгсыл тән тув вāнтлуңкве ат кāсащѳгыт. Миркол кўщайтын ты коньпал мѳт колыл ат мивет. Тав лāви, ѳлнѳтэ палытыл аква нāврамыт ханищтым рупитас, үст ѳлнэ мир мāгсыл ул матыр онтас вāрыс. Манрыг тох ат титыглым тән колыл маяпавет, тāнанылн тот артми ман āти.

Татьяна Степановна ѳкван лāвыс, ты урыл миркол кўщайтын пищма тѳты, пуссын тав лāвум лātңанэ хансы,

вос ляпатнуб колыл тинсавет.

Акв мāньлат нѳ хѳт нāврам ѳныщи, тав ос ущ самын патум āгитэ пропискал вāруңкве ат вѳрмитэ. Ты нѳпаке тāl тав нāвраме мāгсыл олныл ат ойтаве ос пўльницаныл тѳрпил, щаквитыл миңкве ат вѳрмаве. Ус мирколн ялыс кос, тот торың щирыл нѳматарыл ат лāввес. Депутатув тавѳн нѳтуңкве лāвхатас, маныр вāрмалъ элалъ паты, ты урыл нѳ пищмал тѳтаве.

Ты мāхмыт коньпал потрыт хаснэ мāньщи нѳ Светлана Динисламова ѳхталас. Тав потыртас, Ханты-Мансийск үсныл налыман вѳрыста палытат Юван Шесталов ѳл-щѳпитым мāt вāтатэ тўяг витн ѳл-ниляве, та ляпат Юван Николаевич ўнтталам колэ ўнлы, ань вāта колэ мус ты ѳхты. Светлана Силиверстовна таңхи мāхум мѳталаңкве, āврах āхвтасыл вос пинаве, та



Т.С. Гоголева ѳква ѳт потырты

ляпа мātѳт порсыт хот-атуңкве, ѳмщакв хот-сыстамтаңкве, клещ-тѳрыңхомлахыт тѳрпил вос расалтавет. Пуссын ты рупата вāрнэ мāгсыл тав проект хансыс ос нѳпаканэ конкурсын мисанэ. Ань ўрхаты, олныл миве ман āти.

Татьяна Степановна тавѳн ѳс нѳтуңкве лāвхатас, маныр вāруңкве ты кастыл верми, вāим, нѳты. Та мā, лāви, ѳри Юванпāвлыг намтуңкве. Юван Николаевич ѳлмѳт та мā пѳрияс, тот колыл ўнттувес, савсыр āмпарсовыт ѳныщас. Вāтихал тув ялантас, тот ѳт хўлуңкве хулытсас. Мātэ эруптастэ. Ос ѳлмѳт лāвыс, хунь āтимыг ѳмты, тув ѳл вос щѳпитаве. Ань та мā хот-щѳпитан юи-пāлт, Светлана Силиверстовна таңхи туристыт тув то-тыглаңкве, мāньщи потэув урыл потыртаңкве.

Ос мѳн тав ѳтэ акв яныг вāрмалюв урыл потыртасмѳн, ань мāньлат мāхум ос нāврамыт мāньщи лātңыл шар ат потыртэгыт, тѳват туп мощ торгамтэгыт, морсың нāврам ань мāньщи лātңыл потыртаңкве хасы.

гри мāньщиянуб

ѳт потыртаңкве, нāвраманыл, апганыл ѳт мāнти лātңувтыл вос потыртэгыт. Атиңк мощѳртын лātыңтѳв хотталъ ты сойми, мāн юи-пāлуvt хотыют потыртаңкве паты.

Татьяна Гоголева лāвыс: «Сѳль, ань ты тѳла тай мāкыг номтын виңкве ѳри, лātңув ул вос сойми, матыр вāруңкве патѳв».

Татьяна Степановна Государственный Думат по делам национальностей комитетыт рупиты. Тав мѳлал таквсы тув пѳриявес. Мāн тав тув патме мāгсыл сака щāгтсўв, мāньщит халт нѳмхотыют иңыт тот ат рупитāлыс, хантыт халт тай мāхум ѳлсыт. Мāньщи мирув тот яныг миркол пāсыл вос вāве.

Ань яныг таквс этпос вāт нупыл хѳтыт щислат Татьяна Степановна хѳтпан нупыл ат тālэ тѳвлыс, таве мāн сымыңыщ янытлылўв, сав ѳр вос ѳныщи, сав тāl пуcтāгыл вос ѳлы, мāньщи мирув ѳлалъ вос савми, нотыңыг, щуниңыг пуссын вос ѳлэгыт. Мāньщи нѳтѳв Нāй-гтыранувн вос ўргалаве, Тѳрумн вос нѳтаве!

Галина КОНДИНА



С.С. Динисламова ос Т.С. Гоголева

**К**әсың яныгнув  
кпавылт манос ұст  
музеит өлэгыт, тот тән  
мираныл олупса урыл  
савсыр суссылтапыт  
вәрыглавет. Ос  
хунь тамле музеит  
рүпитаңкве патсыт,  
ушпыл мощца хөтпа ты  
урыл вагыт. Мән «Торум  
Маа» округ музеюв  
тәлы-таквс яныг таквс  
этпост вәт нупыл  
онтолов тәлэ төвлыс.

Музей пәс нәпаканәт хансым олы: «17 хө-талт лүпта этпост Ханты-Мансийский исполком нәпак таратас, тот хансым олыс, этнографический музей ұнттын магсыл «Сәт сүйт» 15 гектар ма вос тәставе». Төнт 1987 тәлт сүқыр этпос 9 хөталт музей ұнттуңкве та овылтавет. Ма ұсың мирн харамтавет. Хотьют кәсашас, кәсың хөталәхталасыт. Училищат ханищтахтам няврамыт мәшинал тотыглавәсыт, тән сака өмщакв нәтсыт. Щар акваг тот рүпитама хөтпат наманыл савыңпәлэ округув янытыл вәвет: Ю.Н. Шесталов, Е.Д. Айпин, У.Н. Шульгина, В.И. Шульгин, Т.А. Молданова, З.Н. Лозямова, Э.И. Косполов,



Няврамыт мән сунсовыг тармыл ұнлахөлэг

## МҮЙЛЫН ХӨТАЛЫТ

# Сәт сүйт ұнлын музей

Г.И. Егорова, Леонид Юдин, Николай Волдин, Е.П. Соломина, Г.С. Райшев ос мөтаныт. Тән вәрум рүпатаныл хосыт та ма соссаң мир музеит ты өмтыс.

Овыл күщаиг 1989 тәлт тот Р.С. Ользина рүпитас. Тав юи-пәлөт Г. Лазарев күщаиг олыс. 1997 тәлт Т.А. Клеменова күщаиг паттувес. 2008 тәлныл В.Н. Кочетыгова рүпитас.

Ань музей вәт нупыл онтолов тәлэ төвлыс, намхоталә янытлан магсыл ұс мир мүйлуңкве тув вөвиньтәлвәсыт. Савсыр коллективыт әхталасыт, тот мәнъщи ос ханты махманув әргыт әргысыт, ййквсыт, няврамыт стихыт ловиньтасыт. «Лылың союм» колт ханищтахтын няврамыт ос сака өмщакв ханищтахтәгыт. Акв пыг Арсений сәңквылтапыл сәңквылтас, ты мус ййквнә аканиг ййквсыг. Руслан Вьюткин ос Руслан Аширбакиев нялыт өт хум ййкв ййквсыг. Марк Ромбандеев,



Р. Аширбакиев, Р. Вьюткин



мән пыгрищакве, Юван Шесталов стихотворениятә мәнъщи ләтңыл ловиньтас. Мәнъщи нә Маргарита Рябова татем пүмшиг ййквыс, тав тай тұлыглахтуңкве сака хәсы. Тав нупылә сунсуңкве махматын сака пүмыщ олыс. Фаина Иштимирова мәнъщи ййквыт нәтнәг ййквыс.

Ййквнә махманув нупыл сунсым пора сака моляхувлехульты, концерт оигпас, мүй махум щай аюңкве вөввәсыт.

Няврамыт хотьют кәсашас, нял пәхвтуңкве вөрмысыт, сунсовыт ұлтта поргысыт. Усың махум ампың тагыл тув әхталасыт, та ампыт сунын төравет, няврамыт

суныл тотыглавәсыт. Тот тасавит махум атхатыгласыт, кәсың хөтпа ампыл ялуңкве таңхыс. Ампыт өмщакв ханищтым өлэгыт, отраныл ләтңын хүнтләгыт, тән ос татем щәгтмыт, сакати, хотталь вөр мән тотвәсыт, лыпаш мощ хайтыгтәгыт.

Тох ты музей намхөталәт янытлавес, ань ұсың мир вәңкве патсаныл, матыр ялпың хөтал порат акваг тув әхталәгыт. Сыстам лылыөпыл тот лылтәгыт, нәтнә вөрквел пүмщалахтәгыт. Мән ос хунь тув әхталәв, мәнти яныгмам мав номылматылүв, сымт күпнитнувөг өмты.

**Галина КОНДИНА**



## СОССАҢ МИР ӨЛУПСА

## Ялпус нэ намхоталэт янытлылүв!

**Фаина Павловна Иштимирова** ювле хультум этпост 55 талэ төвлыс. Тав Ханты-Мансийск үст ҕлы, «Хотал» нампа эргын, ййквнэ театрыт рүпиты. Культурат рүпитаме пасныл ос 35 талыг төвлыс. Ам тав этэ хонтхатыгласум, потрамасум, Өлупсатэ Өвылтыт китыгласум. Нан ань элалэ Фаина Павловна потре ловиньтэлын.



Ф.И. Иштимирова



Фаина Павловна омагэ ос ягагиянэ эт пөслым ҕлы

– Ам яныг таквс этпос 28 хоталэт 1961 талт Белоярский район Ванзеват павылт самын патсум. Ты сака емас сыстам павылкве, карс мат, ұльпаң мат ұнлы. Колтаглувт хот няврам самын патыс – нила аги, кит пыг. Мән пуссын мәнҕагыл рүпитасүв, колсори рүпата коньпал найив сагрысүв, вит алумтасүв. Мис өщсүв, туи пум вәрсүв. Ам атам эт тув палыт хұл алышласум.

Атам Павел Тарасович Костин Ялпус павылт самын патыс, мәнҕи хум ҕлыс. Опам Тарас Григорьевич Костин сампылтат хотпаг ҕлыс. Мәнҕи эрыг, мөйт сав вас, саңквлытапыл саңквлытас. Ұй ййквнэ вәрмалэ ванэ хотпаг ҕлыс, павыл махманэ эт тұлыглахтас.

Омам Ольга Ильинична ханты нэ, аги опарищ наме Милыхова. Тав мәнҕагыл савалапыг хультыс, щашекватэн янмалтавес. Ащойкам яныг хонтыт порслувес, тав юи-палэт ос анёквам атимыг емтыс. Омам

школа асламе юи-палт Ханты-Мансийск үст медучилище асла. Полноват павылт сав тал мән лёккарыг рүпитас. Тав ань тактэт яныгмас, акваг номсыс, тах сав няврамыңыг емты. Атам эт Тугияны павылт аква-минасыг, мән хот няврам самын патсүв. Омав ань 78 талэ төвлыс, Полноват павылт Улякши ашчим эт ҕлы. Тав палтэ ватихал яланталэв, уральтылүв, манава акваг уритэ. Яныгмамув порат тав мән магылув носкит ос хорамың шулкиныт сагыс. Пенсиян минаме юи-палт ос паквпалың хантысупытостор сахит юнтуңкве патыс. Атяв атимыг емтме хусталыг ты төвлыс.

Ам 1977 талт школа асла. Мән тагыл сака ййквсум, эргысум, ты тэла аномн сака мұстыс. Улпылтаимагыс элалэ хаништахтуңкве Салехард үсн минасум, культпросвет училищан поступитасум. Училище асламум юи-палт Полноват павылн олмыгтасум, хум вәрсум, Алла агим самын патыс. 1981 талт тот клубын патхатасум. Концерттыт вәрыгласүв,

округ янытыл яласасүв, эргысүв, ййквсүв. 1991 талт колтаглум эт Белоярск үсн вантысум, «Увас хурамаг» ансамблит рүпитасум. Тот китхуйплов талтем олсүв. Хунь тыт «Хотал» нампа театр вәрвес, ам тыг рүпитаңкве вөввөсум. Тувыл тыг та вантысум, театрын патхатасум. Агиягум ос тыт олэг, сас колтаглыңыг емтсыг, аги-пыг янмалтэг.

Мән Алла ос Юлия агиягум эт «Ялпус» нампа эргын, ййквнэ ансамбль вәрсүв, та пасныл ань нила талыг ты төвлыс. Агиягум, тән нявраманэн ос ам акваг ханты ос мәнҕи эргыг эргөв, ййквөв. 2014 талт мән Африкан ялсүв, манти ййкванув тот олнэ мирн суссылтасанүв.

Атам Ялпус павылныл ҕлыс, таимагыс ансамблов тох та намаяслүв. Щар яныг аким Леонид Тарасович Костин Ленинград үст А.И. Герцен нампа педагогический институт хаништахтас, тувыл экваң-агиң тагыл эхтыс. Талтем Полноватыт олсыт, ётыл Кульпасн вөввес школат рүпитаңкве,

тув та вантысмыт. Экватэнтыл тот школат рүпитасыг. Аким хосат атимыг емтыс. Тав ёльпалэт атам ҕлыс, тувыл Евгения эщен. Тав сав тал Тобольск үст ҕлыс, ань ос атам. Акв эщён Варвара Тарасовна Полноват павылт ҕлы. Раиса Тарасовна Сытомино павылт ҕлы. Щар мән ашцияге Алексей ос Николай, тән ань сас атимыг. Ялпус павылт элнаң яныгщ мәнҕи мир ҕлыс. Тот лапка, пекарня рүпитасыг. Ань павылн туи порат морсың хотпа эхталалы.

Ам рүпатам сака эруптылум, руш латңыл лававе – «балетмейстер», махум ханты, мәнҕи ййкв ййквуңкве ханищтыянум. Мән театрув эт округув янытэт яласаслүв. Элы хон мат олсүв – Венгриян, Финляндиян, Болгариян, Эстониян ялсүв.

Ань потрумэн та оигпас. Ты ятил нётөв мән намхоталэт янытлылүв! Сав тал пустагыл вос ҕлы, Най-Отыранэн вос үргалаве! Пус кат, пус лагыл!

Светлана  
РОМБАНДЕЕВА

# Ас-угорский институт 25 талэ төвлыс

**Ю**вле хульгум этпост Ханты-Мансийск үст өлнэ Ас-угорский институт 25 талэ төвлыс. Ты хотал кастыл тот рупитан махум хонтхатыглап вӱрыгласыт, докладыт ловиньтасыт.

Овыл латын институт кӱщай нэ Виктория Ивановна Сподина тав лавыс: «Институтт янгыш сасса хотпат рупитэгыт. Ман округ өлнэ сасса махум мӱйтаныл, пӱс йис потраныл ёл-хансыанӱв, акван-атыанӱв, нӱпакыг таратыанӱв. Фольклорный фондут хӱрум сӱтыра атсат арыг щӱс савит мӱйт ос потыр акван-атим олы. Ань төва мӱйт манос потрыт ищхипың ут хосыт хӱнтлуңкве рови.

Научный сотрудник нӱврамыт магыс ловиньтан нӱпакыт хансӱгыт, шоколат магыс ханищтан нӱпакыт таратӱгыт, словарит щӱпитӱгыт, нӱпакыг вӱрияныл. 25 тал сис институтт 400 арыг савсыр нӱпак хассӱв.

Округ янытыл ань 28 школатыт кит сӱтыра арыг нӱврам щань ла-

тың ханищты.

Ищхипың утыт институтув янас лӱпс оньщи, тув ман Электронный библиотека вӱрыслӱв. Тот матыра ти ловиньтаңкве рови, манхурип нӱпакыт ман таратасӱв, хотьют хансыс, савсыр ляххалыт, та маныр тот пуссын хансым олӱгыт. Тувыл та ут хосыт касың мӱйт ман потыр хӱнтлуңкве рови, тананыл тув щань латңыл, руц ос английский латңыл хансыанӱв.

Наука тӱла нӱхвормалтаңкве эри, таимӱгыс махманув сав рупата вӱрӱгыт. Хот хотпа научный диссертация хассыт, ювле хульгум талт тан наука кандидат намыл майвӱсыт. Ань налыман научный сотрудник халт онтоловхуйпов хотпа учӱный нам



Маньщи махманув

оньщӱгыт.

Нӱврамыт ос яныг хотпат магыс ман савсыр конкурсыт щӱпитӱлӱв. «Югра литературная» нампа конкурс китыт тал ты вӱрыгласув. Овыл тал яныгсат ляпатем хотпа потыр хассыт, китыт тал – китсат арыг хотпа участие пирмайтасыт. Моты конкурссын «Голоса книг писателей Югры» овыл тал китсат арыгтем нӱврам потыр хассыт, китыт тал ос сатсат ляпатем потыр кӱтсыт.

«Фронтальный дик-

тант» нампа акция китыт тал ты вӱрыгласув – маньщи, ханты ос ӱрн махманув танти латңыл диктант хассыт. Ты тӱла касың тал рӱтың юсвой этпос 21 хоталӱт вӱрыглалаве. Ос манрыг ты хотал махум диктант хансӱгыт? Ты урыл ам акв-кит латың лавӱгум: 1952 талт ты хотал Бангладеш мат олум студентыт кӱщаяныл нупыл потыртасыт, ань щань латңаныл государственный латңыг вос олы, ты овылтыт сӱккон-нӱпакыт вос хансавет. Тох



Н.Н. Фӱдорова, Е.Н. Ромбандеева



Л.Н. Панченко,  
Е.Д. Айпин



Нӱт щань латңыл  
пащалахтӱгыт



Аҕиришкветийиквёгыт

## Элүмхōлас ёмас рүпататэ мāгыс янытлавес

**Ханты-Мансийск үст «Славим человека труда» намба касыл олыс. Югравт ань китынтгыт «Народные художественные промыслы» намаим хаништап Уральский федеральный округ янытыл оlnэ мāштыр хōтпат халт вāрыглавес. Тот Курганский Свердловский, Тюменский ос Челябинский областьныл ос Ямал мāныл ёхталам налыман нупыл хōт хōтпа тāнки халанылт кассыт. Ты мāштырыт халт нёлолов хōтпа Юграныл олсыт.**

лāвманыл мāгыс та студентыт пуссын порславёсыт, писалил щама пātлуптавёсыт. Та пылышмаң нак олме мāгыс ётыл ЮНЕСКО организация рётың юсвой этпос 21 хоталэ щāнь лāтың хōталыг намаястэ. Ань кāсың тāl та хōталт мā янытыл оlnэ мирыт танти лātңыл диктант хансёгыт. Мāн остытэла палт олтхатсүв. Мōлты тāl хұрумсāt арыг хōтпа диктант хансыс, ты тāl хōтсāt ляпатем хōтпа хансыс. Ты тэла хосыт мāk таи нāңки – ань мāн лātңанув олэгыт, мā янытыл суйтэгыт.

Мōт хōн мāt оlnэ учёный хōтпат ёт мāн ос рүпитэв, аквёет сāv ёрнэ тэла вāрөв – Венгрия, Финляндия, Германият ос Нидерланды мāt оlnэ мāхум ёт вāйхатэв. Россияв янытыл оlnэ мōт научный организацият ёт ос рүпитэв, манти халувт договор-нэпакыт хансёв, тувыл аквёет сāv ёрнэ тэлат вāрөв. Институтувн кāсың хōтпа ёхтуңкве вёрми, матыр китыглахтан лāтың оньщи те, вос китыглахты, библиотекан вос шалтсы, матыр вос ловиньты.

Институтт рүпитан ятил мāхумавет, мүй хōтпат пуссын пустагыл олэн, элаль ос сāv ёмас

тэла вāрөн».

Кўщай нё потре оигпаме юи-пāлт мōт мāt рүпитан мāхум лāтың лāvсыт, Асугорский институт 25 тālэтыл янытласаныл, тот рүпитан хōтпат нупыл сāv ёмас сымың лāтың лāvсыт, тāнаныл янытласаныл, хорамың лүптатыл ос мүйлупсатыл мүйлуптасаныл. Тувыл мāхум научный докладыт ловиньтасыт.

Санкт-Петербург үсныл акв учёный хōтпа ёхталас Алексей Алексеевич Бурькин, тав РАН лингвистический исследование институтт научный сотрудникыг рүпиты, «Язык – родной, первый, материнский, этнический, какой ещё? Проблемы идентификации и самоидентификации личности в полиэтничном и многоязычном социуме» намба доклад ловиньтас. Ты ойка потре сака пўмыщ олыс. Мāньщи мāхманув докладыт ос ловиньтасыт – С.А. Попова, С.С. Динисламова ос М.В. Кумаева. Тāн потранык тах пуссын «Вестник угроведения» нэпакт хансавет.

**Светлана  
МАТВЕЕВА**

Ань ты мāхмыт хұрум номинация щырыл кассыт. Тананылн нила щёс сыс матыр пормас вāруңкве ман маснут юнтуңкве эрыс. Жюри тāн рүпатаныл сунсыглым, ёмас, хāснэ наканыл тāра-паттысаныл. Тувыл кāсың мāштыр хум манос нё оценкал хассаныл. Та юи-пāлт оценканыл акван-ловиньтым ос мōт хōтпат ёт арталāлым, хōтютаныл нōх та патыс. Ты овылтыт Юлия Иванова, жюри кўщай нё, лāvыс, тав изобразительный ос декоративно-прикладной искусство отделт Государственный Российский творчество колт рүпиты.

Үст оlnэ ос мүйлуңкве ёхталам мāхум мāштырлан рүпатат ос сунсуңкве вёрмысыт. Тувыл тāн мāгсыланыл «Аллея мастеров» ос «Ярмарочное подворье» суссылтапыт щёпитālвёсыт. Кāсың элүмхōлас матыр мāштырлаңкве вёрмыс, мāньлат хōтпат хаништавёсыт. Пуссын ты тэлат округ культура департаментын, тувыл труд ос занятость департаментын вāрыглавёсыт.

Ань хұрум сāvсыр номинацият нōх-патум хōтпат наманыл хансыанув. Тох ёмтыс, хұрум овыл мүйлупсат

пуссын Ямал мāн тотвёсыт, Юграт кит мүйлупсаг хультсыг, мōтаныт мōт мāн лākква миныгласыт.

*Лувныл, аньтныл яктын хōтпат халт нōх-патсыт:*

Овыл места – Сергей Аляба, Салехард үс.

Китытместа – Эльвира Иванова, Тюмень үс.

Хұрмит места – Михаил Турышев, ос Тюмень үс.

*Төрныл, нуйныл юнтнэ хōтпат халт ты нёт нōх-патсыт.*

Овыл места – Роза Накова, Салехард үс.

Китыт места – Вероника Факеева, Челябинск үсныл ёхталам нэ, вис.

Хұрмит места – Жанна Щербакова, Сургут үсныл оlnэ нэ, вис.

*Соссаң мāхум ошнэ маснут юнтум хōтпат халт тāн нōх-патсыт:*

Овыл места – Яков Салиндер, Салехард үс.

Китыт места – Екатерина Смирнова, Урай үс.

Хұрмит места – Евгения Ядрышникова, Челябинск үс.

Мāн тāнаныл ос янытлыанув, тāн кārкамыг рүпитасыт, хāснэ утаныл ёмашакв суссылтасаныл. Ос хōтют ань нōх ат патыс, мōтынтыг вос алымёгыт.

**Тамара МЕРОВА**

## СОССАҢ МИР ӨЛУПСА

Хальүс район Сүкырьяныл маныщи агирицкве Яна Филиппова манавн пицма тетыс, тав тот кина янытлан тал ос такви опатэ урыл хансыс. Яна Саранпавыл школа асталас, тан щемьял Сүкырьят олэгыт. Ома тэ Надежда Каллистратовна маныщи нэ, атятэ Сергей Фёдорович ос маныщи хум.

# Опанув, ащойканув сунсум кинат



Ф.С. Филиппов



Филипповыт щемья

Кина воруңкве 119 тал ювле хультум порат патвес. Шар овыл кина мир янытыл тит ягыгы Луи ос Огюст Люмьерыг ват саграпнал этпос 28 щислат 1895 тал «Гран кафе» колт суссылтастэн. Тэн тот послысыг, хумус рупитан махум фабриканыл кон-квалэгыт. Кина сунсум махум маттем та пумшалахтасыт, тананылн пумыщ олыс, хумус хурит нёвсысыт.

Овыл кинат сака ватит олсыт, акв-тит минута савитыт. Тан тот нас ёмыгтасыт, хайтыгтасыт ос потраныл ат суйтыс, руц ширыл лаввес – немое кино. 1927 тал мус кинат пуссын потыр ат ошсыт.

Та юи-палт мот ищхыпың ут квалтапаптувес, тавётыл потыр ос хасвес. Потыр ёт хансым овыл кина лаввес – «Певец джаза», ты «Уорнер Бразерс» американский фирма варум кина олыс.

Россиявт 1896 тал кина послуңкве патвес. Югра мавт государственный архивын ам хунь нэпакыт ловиньтаңкве ялсум, тот хонтсум –

кина 1930 талыт порат тыт суссылтаңкве патвес. Округув янытыл пионерытын кина суссылтан 32 кол рупитас. Тан халанылт шар ёмшакв рупитан колыт ты «Юбилейный» Хальүст, «Художественный» Ханты-Мансийск үст, «Октябрь» Сургут үст ос мот колыт павлың мат олсыт. Тот няврамыт танти кина сат сыс акв щёс суссылтасыт.

Това павлытын кина хоса ат тотаве, махум хоса урхатэгыт, почтат кинапанкат матпалыт та хуегыт. Акв нэпакт хансым олыс: Ягрим павыл почтат акв кина сат хотал хуяс, таве Светлый павылн тотуңкве кос эрыс, тох махум онтолов хотал кинаныл үрсаныл. Хальүс почтат нелолов хотал кинат ошвёсыт, Тэк, Восыңтүр ос Шайтанкан тотуңкве ат вермувёсыт. Сортыңжат хусахтем арыг хотал почтаныл ос ат рупитас.

Ань ам махум титыгласанум, номияныл тан тамле пора ман ати. Аппан нупыл сат талныл ос онтырсат акв тал яныт

12 хотпа титыгласанум. Ты хот хотпа Сүкырьят олэгыт ос хот хотпа Саранпавылт. Тан лавсыт, сака ёмшакв та пора номияныл, сунсуңкве аква ялантасыт, това кинат тит-хурум щёс суссаныл, хонтлым урыл кинат сунсуңкве сака касащасыт: «Повесть о настоящем человеке», «17 мгновений весны», «Неуловимые мстители», «Дети партизана». Ос савсыр мот кинат «Весна на Заречной улице», «Тимур и его команда», «Свадьба в малиновке», «Свинарка и пастух», «Пётр Первый», «Розыгрыш» тананылн сымын ровсыт.

Титыглам махманум номылматсаныл, Саранпавылт ос Сүкырьят билет тынэ мансавит ос клубт мансавит унлын улас олыс. Кина сунсуңкве аква сав хотпа ёхталас, унлын мал аты төвлувёсыт. Махум лашлаквег унлысыт, нэмхотьютын паквсам ат пурыглас, ат потыргас, аюм хотпат това порат ос ёхталасыт, тан ос лашлаквег унлахолсыт, нэмхотьютын торас ат варсыт.

Сүкырьят касың хотал кина суссылтавес, няврамыт магсыл билет тынэ 5 копейка савит олыс ос яныг махум магсыл – 20 копейка. Няврамыт магсыл этипалаг сат щёс порат кина суссылтавес, яныг махум магсыл онтолов щёс порат. Кина сунсуңкве Саранпавылныл махум ос ёхталасыт. Түяг ос таквсы лехтэл порат кина ос суссылтавес.

Сүкырьят ватахтем тал кина суссылтым ам опам Фёдор Сергеевич Филиппов рупитас. Опам 1941 талт сүкыр этпос 22 хоталт Саранпавылт самын патыс, Сергей Иванович ос Елена Моисеевна омаге, атяге наманэн олсыт. Опам нелолов класс асталас. 1965 талт Тюмень үст школа рабочей молодежи №16 асталас. 1968 талт Ханты-Мансийск үсн минас, тот киномеханикыг хашиштахтас.

1969 талт ват саграпнал этпос овыл хоталт Пунгинский киноустановка мотористыг пирмайтавес. Мотыт талт вортур этпос 13 хоталт Саранпавылн

киномеханикыг рӯ-питаңкве минас. Ос аквта тал аквта этпост 18 щислат тав Сүкырьян рӯпитаңкве тётвес.

Туи 1972 талт ойттур этпост ам щашёквам-тыл Софья Ивановна Сайнаховал акван-минасыг. Тэн ат нйврам янмалтасыг, нила пыг – Олег, Сергей, Иван, Александр ос акв аги Елена. Ань Филипповыт колтагланыл яныг – тэн нйвраманэн 11 нйврам оныщег, ос тит апыгрищиг яныгмэг.

Ам опам сака ёмщакв рӯпитас. Тав номтың хум олыс, киноустановкатэ ёт рӯпитаңкве хасыс, суссылтан кинатэ ос потрыт акв порат акваг рӯпитасыт. Акв кина суссылтан порат хурум бобина пентуңкве эрыс. Тав пентуңквэ порат махум аты васыныл, хунь акв утэ холы ос мотанэ овылтахты. Тох мащтырыг тав рӯпитаңкве хасыс.

Касың ёмт кинатэ ойгпан порат тавён пленка ювле катыл сохтуңкве эрыс. Павлың махум анумен ань потыртэгыт, опам хотпа нупыл сака ёмас элумхолас олыс. Рӯпитан матэн акваг сартын ёхталас, эрнэ утанэ сартын щёпитасанэ, тувыл клуб авитэ пунсыс.

Фёдор Сергеевич 1998 талт пенсиян минас ос элаль рӯпитаңкве ат патыс. Опам 1996 талт «Почётный кинематографист России» магылн тагатан пёсыл майвес. Тав 1999 талт лүпта этпос 14 хоталт атымыг ёмтыс.

Ам опам кина ос такви рӯпататэ сака эруптастэ. Ам тав киноустановка-тэ хонтыслум, ты утэтыл тав мак ёмас, эрнэ тэла вэрыс, тав махумн ань тыг мус номаве.

**Потыр маныщи  
латныг Галина  
КОНДИНА  
толмащластэ**

## Тал сыс ма-вит хумус ўргалавес

**Ты ойгпан талт округув яныгыл ма-вит ўргалан сав рупата вэревес, руц латныл ос сака пумыщ намыл пиным олыс – экологический вахта.**

Ты кастыл ань округ мирколт кўщайт акван-атхатыгласыт ос тал сыс вэрум рупатаныл урыл потыртасыт. Ты сапрэнит губернатор Наталья Комарова кўщайг олыс. Тув ма-вит ўргалан махум атхатыгласыт. Мотяныг ўсыт (Покачи, Мегионт, Нефтеюганскыт), Белоярский ос Хальёс районуыгт махум тина суснэ тотап элы-палт ўнлысыт, видеосвязь щирыл округ мирколт ёт акван-олтыглавёсыт. Та щирыл тэн халанылт ёмашакв потыртаңкв вэрмысыт.

Овил латың округ кўщай нэ лавыс. Тав тох потыртас, матёмас тамле ёмас тэла округувт вэрыглавес. Воруи ўргалан хотпат ат уральтан рупата вэрыгласыт, тэн руц латныл тох лаввёсыт – «Лось», «Капкан», «Боровая дичь», «Наст», «Пернатая дичь». Ворт тит пупащаквэг катынпаттымаг, нила янгуи, ат

нэхыс. Ты хотпат пуссын пуввёсыт, яныг шрафолныл пинвёсыт.

Махум вёр наскэсыг ул вос сэгрияныл, лесникыт тал сыс вёр уральтасыт. Тананылн ань мощ кўпнитнув рӯпитаңкв патыс, савсыр ищхипың ут оныщегыт. Руц латныл лававет – беспилотный летательный аппарат. Ты ут нох-тыламлы, сав щёс нумын яласаңкв вэрми, ма нумыл пёслытэ, ос пёслум хурия-нэ ищхипың ут хосыт тэра сунсавет. Вёр ёл-сэгрын хотпат тох та пувавет.

Ма-вэй нох-винэ махум ос акваг уральтавёсыт. Ань тэн ма-вит ўргалым рупитэгыт. Ма-вэй ма тармыл те сёсыяныл, та ма тэра хот-сыстамтыяныл. Ос нефть ян те паты, тонт я ос сыстамтаңкв эри.

Мян округувт мань паңканыл овн пуссын Ас ян тотавет. Ты я-капай Северный Ледовитый

океан нупыл овты. Яныг кўщайов лавыс, Ас я ань сака сав лёль ут ат оныщи, витэ сыстамнувег ёмтыс.

Наталья Комарова кэсың ўс ос район кўщайт ань титыгласанэ – тал сыс мань рупата тэн вэрыс. Овлэт Покачи ўсныл махум потыртасыт, тэн юипаланыл Радужный ўсныл ос Белоярский районуныл. Тэн пуссын лавсыт, тал сыс сав ёмас рупата вэруңкв алымасыт, щар мак яныг рупатаныл тамле олыс – тэн нйврамыт ма-витув ўргалаңкв ханищтасаныл.

Тэ уст оленэ нйврамыт нэпакыт атсаныл ос школан тотсаныл, атум нэпакыт тэрвитаныл пуссын акваёт 205 тоннаг ёмтыс. Ты ёмас вэрмаль хосыт ань 2 сётыра йив ёл-сэгруңкв ат эри. 11 сётыра савсыр йив мэн ўнттувес, 750 тонна порс атвес. Ты рупата 200 сётыра арыгтем хотпа вэрыс.

Ань кэсың студият нйврамыт ўнлысыт. Тэн округ кўщайн титыглавёсыт, школат ма-вит ўргалаңкв хумус ханищтавет. Белоярский ўсныл акв аги лавыс, тэн ос сав ёмас рупата вэрыс, школат ма-вит ўргалаңкв ёмашакв ханищтавет. Тав такви ма-витув, воруянув ўргалаңкв сака таңхи. Яныгми, экологыг тах ханищтахты ос ювле оленэ ўсэн ёхты.

Наталья Комарова мовиньтым ювле лавыс, ань Белоярский район яныгыл оленэ браконьер-хотпат ты агирищныл пилым вос олэгыт, наме пуссын вос вэганыл.

**Валентина ВАСИЛЬЕВА**



Нйврамыт ўльпат ўнттэгыт

# Йис мав наме Өвылтыт потыр Өлыс



Н. Судакова, И. Верховский ос М. Ершов

**Вят сәграпнал этпос 10 хөталэ – Югра мавт  
Вялпың хөталыг Өлы, ты тәл округув 86  
тәлэ төвлы. Ювле хульгум нот 1930 тәлэныл  
1940 тәлэ мус мән мав Остяко-Вогульский на-  
циональный округыг лаввес.**

Ханты-Мансийск үст история ос этнография тәла ханищтан мавум акван-атхатыгласыт, ань өлнэ мав наме Өвылтыт потрамасыт.

Ляххал тотнэ мав хум нупыл нила хөтпа потыртасыт – «Государственный архив Югры» кұщай нэ Наталья Судакова, Ас-угорский институт научной исследовательский отдел рупитан хум, исторический наука кандидат Михаил Ершов, «Мав-вит ос Элумхолас» музей этнография колнаке тармыл пуңкотнэ нэ Лариса Поршунова ос «Югра-Социум» центр кұщай, ЮГУт ханищтан хөтпа Илья Верховский.

Михаил Ершов лавме щирыл, «Югра» – ты сака пәс нам. Тав йис порат хансыглым нэпакытт өл-хансым Өлы, пәс тәгыл лавылтаве. Ань йист ты пәс нам Өвылтыт исторический

наука доктор, пәс пора ханищтан нэ Зоя Соколова тав лавуңкве патыс. Ты нэ лавме щирыл, ты мав мав наме «Югра». Тувыл тав ләтңе кұщайтн хунтамлавес, мав Өс акв та пәс щирыл та намайавес. Ос сассаң мавум тәнтинаныл акваг кос тох лавыгласаныл – хантыт ос мавнищит. Остякыг освогулыг тән мөт хөтпатын лаввәсыт, Өвләт нас намталавәсыт, тувыл элалы акваг тох лавуңкве та патвәсыт.

«Вогул» – саран ләтңыл толмашлаңкве те, ты «вөр хөтпа» манос «мөт хөтпа». Мавнищит мавум йис тәгыл тәнтинаныл «мавнищити» лавсаныл – «мощаг хульгум мир». 1940 тәл юи-пәлт мән мавманув Өс акв та пәс щирыл лавуңкве та патвәсыт.

Ершов Өйка лавыс: «Вогул» манос «остяк» – ты мән мавманув тох намталавәсыт, ты

мөт мавум ләтңыг, хантыт ос мавнищит ләтңанылт тамле ләтың әтим. Таимавыс сассаң мавум, хунтамлеләтың хунтамләлсыт, сака кантлысыт.

1930-1950 тәлытт пуссын ханищтаңкве патвәсыт, сассаң мавум мощ грамотныг өмтсыт. Тувыл ты вәрмалы та порат ты тәра-патыс. Кұщайт тән өтаныл кәсәсәсыт, мощ өтылнуве округув мөт щирыл та намайавес».

Илья Верховский тох потыртас: «Матвемас этнографыт пәс Өлупса ханищтәгыт, ты Өвылтыт потыртаңкве патсыт. Тән хосытанылты ты тәра-патыс, Югра мавт өлнэ сассаң мавум мав наманыл – хантыт ос мавнищит. Ханты-Мансийск үс үнлын мавтә – пәс йис тәгыл ялпың мав».

Ань «Югра» мав Россияв янытыл ос мөт хөн мавт ваве. Мавум вәганыл, тыт мав-вөй нөх-виве. Хунь Алы мав ос Лүй мав, Хөтал үнтнэ өр ос Хөтал нәглын өр халанылт китыглахтын ләтңыт нөх-хулигләгыт манос савсыр мирыт халанылт воритотәгыт, ты Югра мавт пуссын өмасмахтәгыт, элалы юртыңыщ өләгыт. Ам номсытөмт, ты мав сака няңра Нәй-Өтырытын үргалаве».

Наталья Судакова архив рупататә урыл акв-кит ләтың лавыс. Тән пәс карта кәтын-паттумыт, ань 1930 тәлыт порат мавум Самарово район ос Остяко-Вогульск павыл нэпакын пәслуманыл. Ты кұщай нэ лавыс:

«Ты карта хотьютн хаснәйивыл щуртыма, өрнэ колыт та манып пуссын тув пәслымат – пүльница, радио кол, школа».

Тувыл нэпакт хансым Өлы, ань павылт манах хөтпа Өлы – рущ моща, янгыщ сассаң мавум өләгыт. Кұщай-нув сассаң мавум урыл та пәсыл номсысыт, тән культураныл нөх-вөрмалтан мавыс сав өрнэ тәла варсыт».

Ань кәсың хөтпа архив колт тавән өрнэ нэпакыт хөнтуңкве вөрми. Наталья Судакова лавыс: «Хөтпа архив колн өхты те, мән тавән ищхипың ут хосыт өрнэ матырхүлтәв. Ты щирыл мән 2011 тәл пәсныл рупитәв».

Ищхипың ут хосыт сыре-сыр электронный суссылтапыт вәрыгләв, пүмыщ нэпакыт суссылтәв. Щар Өвыл тамле выставка ань ты лавылтан тәлав Өвылтыт Өлыс – Югра мав элнаң хумус лаввес, манхурип намыт тав өныщас».

Лариса Поршунова «Мав-вит ос Элумхолас» музей Өвылтыт потрамас. Яныг таквс өтпос юи-Өвыл хөталанөт музей 80 тәлэ төвлыс. Тав ань йильпи щирыл вәрвес, колнаканәсыре-сыр ищхипың утыт өныщәгыт.

Нэ лавме щирыл, тот рупитан мавум ань кәсың хөтпан өрнэ нэпакыт, пормасыт суссылтаңкве вөрмәгыт, пәс йис пора Өвыл-тыт потыртаңкве ман ищхипың ут хосыт матырәти кәсәлаңкве вөрмәгыт.

**Светлана  
РОМБАНДЕЕВА**

МА-ВИТ ҮРГАЛАН ВАРМАЛЬ

# Түранувт пусмалтахтын ракт өлнэтэ

**Юрий Федорович Перепелицын «НПЦ Мониторинг» нампа организацият геологыг рүпیتی. Тав округув янытыл яласы ос савсыр тының ахвтасыт мат кинсы. Руц ойка такви рүпататэ сака эруптытэ, ты урыл сака хоса потыртаңкве вөрми.**

Ань тав округувт өлнэ түрыт ханищтым яласы. Ты вәрмаль урыл Юрий Федорович таи лавыс: «Югра мав янытыл хүрум сөтыра арыгкем түр ань олы. Тән пуссын ёмашакв ханищтаңкве эрэгыт. Касың түр витэ мощ такви хурипаг олы, тьи мэгсыл төва түрытыт сав хұл олы, мот түрытыт хұл шар аitim. Ты түрыт ханищтым мән «сапропели» нампа полезный ископаемый киссүв. Тамле эрнэ утыт түр паттат өлэгыт. Түрт өлнэ витэ нэмхотталь ат овты, тьи мэгсыл төва мат витэ хот-саки ос тот үсум савсыр мән кёрыңхомлахыт, матарыт, үсум хұлыт, савсыр лүпатат түр паттан уйттавет ос тот акван-атхатэгыт. Тот ма ёт акван-тэлыглым тамле рактыг ёмтэгыт, тав «сапропель» лававе. Тамле ракт сака сав ёмас вәрмаль мир мэгсыл тотуңкве вөрми. Ты утыл махум пусмалтаңкве рөви. Ань савсыр үсытыт манос павлыгыт пусмалтахтын колыт пунсавет, тот махум түр паттаныл нөх-

винэ рактыл сартавет ос таширыл пусмалтавет. Тувыл ты ракт тэпканын расалтаңкве рөви ос савсыр тэнут ян-малтаңкве. Ос ты коньпал тамле ут бетон ёт акван-тэлыгтаве ос колыт унттавет».

Юрий Федорович лавыс, мән округувт өлнэ түрыт паттаныл 50 млрд. тонна арыгкем тамле ракт олы. Ты рүпата 1996 талт тән вәруңкве овылтасыт. Төнт округ миркол кұщаит тыт өлнэ ма ёмашакв ханищтаңкве лавсаныл. Та порат округ янытыл 80 түр ханищтавёсыт. Тувыл 2012 талт ты рүпата элаль вәруңкве патвес. Төнт Ханты-Мансийский районт Придорожное ос Добринское кит түрыг ос Сургутский район Сэгутлор түр геолог-махум уральтасаныл. Ты рүпата урыл Юрий Федорович лавыс: «Мән ты хүрум түр ёмашакв ханищтасанүв ос тот сапропели-рактхөнтсүв. Ань мән округувт туп Югорск үст махум пусмалтан санаторий-кол рүпیتی. Тот махум ос ты утыл пусмалтавет. Ам тот рүпитан хөтпат китыгласанум, махум пусмалтан мэгсыл манасавит ракт эрмыглы. Тән лавсыт, аквталсыстанпалтаныл акв сөтыра 200 элумхөлас ёхталы. Тәнаныл пусмалтан мэгсыл 100-120 кубометра савит ракт эри. Мән округувт сака сав тамле ёмас ма олы, тьи мэгсыл



Ракт нөх-винэ машина

тыт шар касың районт тамле пусмалтахтын кол унттуңкве рөви. Элумхөлас тамле рактыл хунь сартаве, тав сыме ёмашакв рүпитаңкве овылтахты, келуптарсанэ ёмасыг ёмтэгыт, купнитыщлылыты ос луванэ-тананэ тәкмөгыт. Мот агмыт ты утыл пусмалтаңкве ос рөви».

Юрий Перепелицын лавме щирыл, ты сапропелил үйхул тыттуңкве ос рөви. Мисыт мэгсыл комбикорм ёт акван-тэлыгтаве. Щицкурёкыт, пәлят ос пүрщит ты утыл ос тыттавет.

Ам ты руц ойка китыгласлум, тамле ракт түр паттаныл нөх-виңкве ке овылтаве, түрыт ат паңктавет ос хұл тал ат хулытэгыт. Тав ос ювле лавыс: «Тамле сапропели сав нот сыс акван-атхатас. Төва түрыт шар лап ты яныгмавет, тамле витыт хұлыт олуңкве ат вөрмөгыт. Түр паттат өлнэ матэ нөх ке виңкве, түр сыстамыг ёмты, савнүв хұл олуңкве тот паты. Сургутский районт Вацлор нампа түр олы. Ань лап ты яныгмаве, тот хұл воссыг аitim. Түр 7,15 вёрыста яныт ос паттатэ

мус 5,7 метра мильтэ олы. Махум рүпитаңкве ке овылтахтэгыт, тот 1,5 метра мильт ма хотвыгыт. Тасавит ма хунь нөх-вие, түр воссыг лап ат яныгмаве, витэ сыстамтахты ос хұл савыг ёмты.

Ань савсыр ищхйпың утыт өлэгыт, түр ватат ты утыл ёмашакв рүпитаңкве ос түр хотсыстамтаңкве рөви. Лап ке яныгмаве, ты ракт нөх-виңкве воссыг ат рөви, люлиг ёмты».

Юрий Федорович ты рүпата вәрмёт, вит ос түр паттаныл ма, түр ватат яныгман лүпатат пуссын ёт вис. Юв хунь ёхтыс, та ма, вит ос лүпатат өвлёт такви ёмашакв ханищтасанэ. Тувыл элаль савсыр яныг үсытыт өлнэ лабораториятын кётсанэ. Тот рүпитан махум ты ма, вит ос лүпатат ханищтасаныл ос тәнки хансум латың ювле кётсыт.

Ты юи-пәлт руц ойка такви рүпататэ урыл савсыр отчёт-нэпакыт хансыс, ос хөнтум ракт урыл кұщаитын потыртас. Кұщаит округувт өлнэ түрытыт махум рүпитаңкве ань ат тартыяныл, мощ үрхатуңкве лавсыт.

**Людмила ТЕТКИНА**



Ракт хурыг

# Мәньщит урыл пәслым кина

**Ю**вле хульгум этпост «Диалог национальных культур» нампа форум Ханты-Мансийск үст рупитас. Ты ёмас вәрмалъ «Культура» нампа кол щёпиталыглас. Мәхум форумн атыглан мәгсыл тән Россия Президент пәлыл грант-олныл тәстыглавёсыт.

Овыл хөталәт тән савсыр хаништапыл вәрыглавёсыт ос кинал суссылтавёсыт. Китыт хөталәт савсыр мирыт пёс йис вәрмаяныл элалъ хумус тотуңкве ос халанылт юртыңыщ хумус олуңкве, та урыл потыртасыт.

Ты элы-пәлт округув янытыл рупитан культура колыт халанылт кассыт. Форум олум порат ты касылт нөх-патум колыт янытлавлёсыт. Овыл местал Сургутский район Русскинская

пәвылт өлнэ культура кол майвес. Тот рупитан хөтпат хантыт мәхум пёс йис вәрмаяныл элалъ тотыяныл.

Нижневартовск үст рупитан культура кол китыт места вистә. Хүрмит местал Нефтеюганск үст өлнэ кол майвес. Ты колыт кущаяныл Ханты-Мансийск үсн вөвиньтәлвлёсыт ос ты форум рупитама порат янытлан нәпакыл мүйлуптавлёсыт.

Ты юи-пәлт мәхум тәнки рупатаныл урыл



Н. Шартанов кинат пәслувес



Е. Фризоргер кинат пәслувес



Мәньщит урыл пәслым кина хуриянә

пуссын потыртасыт. Сыктывкар үсныл Российский финно-угорский центр кущай нә Татьяна Барахова ёхталас. Тав ләвыс, тән финно-угор мирыт пёс йис вәрмаяныл ос щәнь ләтҗаныл элалъ тотуңкве ос нётёгыт. Ты рупата тән ищхипың ут хосыт вәрёгыт.

Ань тән интернетыт янас лөпс оньщёгыт, тот рүтыг өлнэ мирыт урыл савсыр ляххалыт хансёгыт. Савсыр хансым потрыт ос кинат тув вәрияныл. Центрыт рупитан хөт-

пат кинат ос тәнки пәслёгыт. Мөлты тәл тән округувн ёхталасыт. Хәльүс районын ялсыт, тот мәньщи мәхманув урыл кина пәслысыт ос намаясаныл – «Манси. Путь промысла».

Тав ләвыс, ты кинаныл савсыр мәтәнь суссылтыяныл. «Берегиня» нампа кина на суссылтан мирхал фестивалън Архангельск үсн кётсаныл. Мәньщиянув урыл пәслум кинаныл тот нөхпатыс ман әти мөтыт газетат ловиньтән.

**Людмила ТЕТКИНА**

## Лүймә сәрипос

(Северная заря)  
№23 (1137), 8.12.2016

**Соучредители**  
Дума, Правительство Ханты-Мансийского автономного округа – Югры  
**Издатель**  
Департамент общественных и внешних связей Ханты-Мансийского автономного округа – Югры

## Редакция

Главный редактор –  
**Решетникова Р.Г.**  
Телефон (3467)33-36-82

Заместитель гл.редактора –  
**Кондина Г.Р.**  
Телефон (3467)33-22-72

Ответственный секретарь –  
**Узель В.В.**  
Телефон (3467)33-23-09

**Адрес редакции и издателя:**  
628011, г.Ханты-Мансийск,  
ул.Комсомольская, 31  
тел./факс (3467)33-17-52  
**E-mail: gazeta@khanty-**  
**yasang.ru**

Газета размещена на сайте  
[www.khanty-yasang.ru](http://www.khanty-yasang.ru)

**Отпечатано:**  
ООО «Новости Югры-  
Производство» г. Сургут,  
ул. Маяковского, д. 14.

**Подписано в печать:**  
по графику 8.12.2016 г.  
в 9.00.; фактически  
8.12.2016 г. в 9.00.  
Индексы **04399, 54399**  
Тираж **1750** экз.

Заказ **2009**  
Цена свободная  
Мнение авторов  
публикаций не  
обязательно отражает  
точку зрения редакции.

Газета зарегистрирована  
Управлением Федеральной  
службы по надзору в сфере  
связи, информационных  
технологий и массовых  
коммуникаций по Тюменской  
области, ХМАО-Югре и  
ЯНАО.

Свидетельство о регистрации  
ПИ №ТУ  
72-00795 от 23 января 2013г.